

Pilota

Profesionalak berriro Labriterera

Asegarcek eta pilota federazioak atzo lortu zuten akordioa

Iruñeko Labrit pilotalekua ustiatzen duen Nafarroako pilota federazioaren eta Asegarceren arteko akordioa lortu zen atzo. Honen ondorioz, berriro ere esku pilota profesionaleko partiduak itzuliko dira frontoi horretara. Larunbatean Retegi eta Galarza, Unanue eta Elkororen aurka ariko dira txapelketako partiduan.



Labriteko ikusleek profesionalen partiduak ikusi ahal izango dituzte larunbatetik aurrera.

LEIRE ARZUAGA

Aitor Ugalde / Donostia

AZKENEAN lortu da akordioa etapilota profesionala berriro itzuliko da Iruñeko Labrit pilotalekura. Nafarroako federazioak onartu egin du Asegarcek milioi bat pezeta materialetan ordaintzea frontoia erabiltzeagatik. Iruñeko Udala, frontoiaren jabea, Federazioa eta Asegarce joan den ostegunean bildu ziren akordio bat lortzeko. Biler horretan hitzartu zuten jaialdi bakoitzaren gastuak, (argia, garbiketa eta ura) Iruñeko Udalak ordainduko zituela. Horren truke Labriten jokaturako hainbat partidu telebistatik eskainiko dira eta be-rauek hasi aurretik Iruñeko irudiak eskainiko dira.

Asegarcek milioi bat pezetako kirol materiala ematea proposatu zion federazioari frontoia erabiltzearen truke. Federazioak, materiala izan beharrean dirua

emateko eskatu zuen astelehen. «Gu ez gaude dirua emateko prest, hori ez da gure jokabidea, ez dugu pezeta bat ere jarriko partiduak jokatzeko» zioen atzo Iñigo Salbidea Asegarceko gerenteak.

Federazioan errezeleak zituzten Asegarcek emango zuen materiala zela-eta, erabilia izan zitekeen beldur. Azkenean atzo lortu zen akordioa: federazioak berak eskatzen duen materiala, normalean erabiltzen dituen materialgileek egindakoa, emango du Asegarcek. Akordioa lortu egin da, orain sinatzea falta da.

Akordioaren ondorioz, larunbatean txapelketako bi partidu jokatu dira Iruñean. Binakoan Retegi-Galarzak, Unanue-Elkororen aurka jokatu dute eta Federazio torneoan Ariznabarreta-Mendiak, Errandonea

II-Armendarizen aurka. «Negoziaketetan tentsio uneak egon dira, baina horiek baztertu egin behar dira, garrantzia daukana emaitza da eta uste dut denontzako ona izan dela» esan zuen atzo Iñigo Salbidea akordioaren berri eman ondoren. Desadostasun hauen ondorioz, lau t'erdiko txapelketako partidurik ez zen jokatu Iruñean.

Pilota aukeraketa Eibarren • Bihar Eibarren jokatu den txapelketako partidurako pilotak aukeratu zituzten atzo. Nagorek eta Zezeagak pilota biziagoak aukeratu zituzten, 106,4, 106,9 eta 106,3 gramokoak. Alustiza-Errastik 107, 105,1 eta 106,8 gramokoak apartatu zituzten. Aukeraketaren ondoren, partidutxo bat jokatu zuten lau pilotariek baina bikoteak aldatuz, Nagorek eta Errastik irabazi zuten. X

Erremonte txapelketako partidua Uhartan

Martin Lekunberri eta Eizagirre finalerdietan dira gaur irabaziz gero

A.U. / Donostia

ERREMORTEKO binakako txapelketako beste partidu bat jokatu da gaur arratsaldean. Aseginolaza I eta Etxeberriak Martin Lekunberri eta Eizagirreren aurka jokatu dute. B multzoko bi bikoteen arteko norgehiagoka hau Uharteko Euskal pilotalekuan izango da San Saturnino egunaren ospakizunarekin bat eginez.

Finalerdiak gaurko partidu honen argitzen has daitezke.

Martin Lekunberri eta Eizagirreren nahiko eskura daukate finalerdietarako urratsa B multzo honetan. Orain arte jokatu dituzten bi partiduak irabazita, bi puntu lortu dituzte, eta geratzen zaizkien bi partiduetako bat irabazteak ematen duen puntua eskuratuz gero sailkapena ziurtatuta izango lukete.

Beste bi bikoteak, Aseginolaza I-Etxeberria eta Elizalde-Aizpuru, puntu bakarrekin daude hiruna partidu jokatu ondoren. Aipatu bi bikoteek Lekunbe-

rri-Eizagirreren aurka jokatu behar dute geratzen zaien partidu bakarra. Biek irabazten badute, zaila dirudiena, hiru bikoteek bina puntura berdinduta gertatu dira. Batek irabazi eta besteak galtzen badu, irabazten duena pasatuko da finalerdietara Lekunberri-Eizagirrerekin batera. Biek galtzen badute, orduan Aseginolaza I eta Etxeberria sailkatuko dira, Elizalde eta Aizpurreren aurka jokaturako bi partiduetan tanteo hobia lortu zutelako. X

laburrean

SASKIBALOIA

Sabonisek 23 puntu egin zituen baina Portlandek ez zuen irabazi Bullsen aurka

ARVIDAS SABONISEK partidu ona jokatu zuen Chicago Bullsen aurka, 23 puntu egin zituelako, baina Portland ez zen haren jokoa onaz baliatu, galdu egin zuelako etxean 104-107. Michael Jordan eskoltak 33 puntu egin zituen, horietatik lau azken 28 segunduetan. Beste hiru emaitza: Toronto 101-Golden 98, Orlando 96-Detroit 95 eta Phoenix 105-Utah 114. Saskiratzaille nagusien sailkapena horrela dago: Jordan (Chicago) 29.5, Anfernee Hardaway (Orlando) 28.5, Ceballos (Lakers) 27. Errebotetzailleena: Baker (Milwaukee) 12.6, Robinson (Spurs) 12.6, Kemp (Seattle) 11.7. Asistentzietakoa: Stockton (Utah) 10.3, Pack (Washington) 9.9, Kidd (Dallas) 9.1. X

T E N I S A

Alberto Berasategi Espainiako Mastersean ariko da gaurtik aurrera Sevillan

ATZO hasi zen Espainiako Mastersa, baina gaur jokatu du bere lehen partidua Alberto Berasategi bizkaitarrak. Albert Costa kataluniarra izango du aurkari Arrigorriagakoak. Bihar beste kataluniar baten kontra jokatu beharko du, Jordi Arreseren kontra hain zuzen. Ostiralean, beste kataluniar bat izango du aurkari: Francisco Clavet. Sevillakoa bigarren Mastersa da, eta pista azkarra da. Berasategik multzoan hiru aurkari horien aurretik amaitzen badu, larunbatean finala jokatu du. Beste multzoan Bruguera, Corretja, Costa eta Javier Sanchez Vicario daude. X

Andre Agassik ez du jokatzetik izango Davis Kopako finala Errusiaren kontra

ANDRE AGASSI estatubatuarra arazoak dauka bularrean, eta ez du datorren asteburuan Moskun jokatu den Davis Kopako finala jokatzetik izango Errusiaren kontra. Nazioarteko Federakundeak adierazi duenez, Agassiren ordezkoa Richey Reneberg izango da. Hau espezialista da bikoteko partiduetan. EEBBetako selekzioa, Pete Sampras —munduko sailkapenean lehena—, Jim Courier eta Todd Martinek osatzen dute. Errusiakoa, Eugeni Kafelnikov, Andrei Tsesnokov, Alexander Volkov eta Andrei Olkhovskik. X

Peter Grafek bere alaba errugabea dela dio

PETER GRAFEK bere alaba Steffiren negozio eta gai fiskalen erantzukizun osoa hartu du, atzo Mannheim hiriko fiskalari bidalitako gutun batean. Fiskalen arabera, Peter Grafen gutunak ez du ezer berririk esaten, eta ez du eraginik izango bere aurkako kasuan, momentuz behintzat. Peter Grafek galdeketa berriro uko egin diola esan zuen Mannheimgo fiskalak, galdera kritikoei ez erantzutearren. Irrati kate batek jakinarazi zuenez, Peter Grafek bere alabaren negozio guztiez jabetu zela dio gutunean. X

F U T B O L A

Lehen Mailako azkena eta Bigarren Mailako liderra aurrez aurre Kopan

HERCULES eta Rayo Vallecano taldeak aurrez aurre izango dira gaur, Kopako hirugarren kanporaketako joaneko partiduan. Horrela, Lehen Mailako azkenaren eta Bigarren Mailako liderraren artean onena zein den erabakiko dute. Horrez gain, Lehen Mailakoen arteko partiduak dira txanda honetako interesgarrienak: Salamanca-Athletic partiduaz gain, Atletico Madrid-Merida (atzo), Compostela-Valladolid eta Oviedo-Valencia (bihar). Beste partiduak honako hauek izango dira: Ecija-Sporting, Leganes-Espanyol, Andorra-Celta, Numancia-Racing eta Levante-Tenerife. X

ESKUBALOIA

Cortebianco Bidebietak Krasnodar taldearen kontra jokatu du City Cup-en

CORTEBLANCO BIDEBIETA talde donostiarra Kuban Krasnodar talde errusiarraren kontra jokatu du City Cupeko final-laurdenera. Mario Hernandez teknikoa ez zen oso pozik agertu kanporaketa honekin, Krasnodar Cortebiancori egokitu ziezaikeen aurkaririk zailenetakoa baita. Hala ere, gauzak ahalik eta modurik onenean egin eta ezustea ematen saiatzeko asmoa aipatu zuen. Joaneko partidu Errusiar jokatu dute urtarilaren 13 edo 14an, eta itzulikoa Donostian urtarilaren 20 edo 21ean. X

ARRAUNKETA

Hautagai zerrenda bakarra aurkeztu da Bizkaiko Arraunketa Federaziorako.

BIZKAIKO Arraun Elkarteetako ordezkariak bilduko dira gaur Bilbon, Bizkaiko Federazioko presidente eta zuzendaritza berria hautatzearrekin zerikusia duten gaiak ezbataidatzeko. Hautagai zerrendak aurkezteko epea joan zen ostegunean bukatu zen eta bakarra aurkeztu da, Anselmo Ardanazak zuzendutakoa. Hilaren 7an izandako batzarrean, Ardanazak zenbait kontu jarri zituen mahai gainean, hauteskudeotan arraun taldeen eskuhartze zuzenagoa eskatuz. X